

յարկում: Նախադահի նշանի վրա նրանց ներս բերին, և առաջնորդող սպասաւորը մուտքի առաջ կոչեց բարձրաձայն՝ «Messieurs les Plénipotentiaires de l'Empire Ottoman!»: Համաժողովը ոտքի կանգնեց ի նշան ողջոյնի: Կարմիր Ֆէսերը գլուխներին, երկար ըետենդոտ հագած՝ ներս մտան երեք թիւրք պատուիրակները, գլխի թեթև շարժումով ողջունեցին Համաժողովը և իրենց տեղերը գրաւեցին, յոյներից վեր: Գրեթէ անմիջապէս յետոյ, ոտքի ելաւ պ. Ա. Միլլըրան և ասաց հետևեալը.

«Պարոններ, ևս յայտարարում եմ. այս դաշնագիրը, որ պիտի ստորագրենք, միանգամայն համապատասխան է երկու կողմերի ընդունածին»:

Ապա հրաւիրեց թիւրքերին ստորագրել: Ոտքի ելան Համդի փաշա, Ռիզա թեֆիկ բէյ և Նալիլ բէյ, վճռական քայլերով մօտեցան կենտրոնի սեղանին, ուր դրած էր դաշնագիրը և իրար յետևից ջղուտ շարժումներով ստորագրեցին այն և գրեթէ հապճեպով դնացին իրանց տեղերը: Այնուհետև ստորագրեցին Անգլիայի, Ֆրանսայի, Ռուսիայի և Ճապոնիայի ներկայացուցիչները և նրանցից անմիջապէս վերջը հրաւիրեցին ինձ: Այսպիսով, պետութիւնների նյութնական անւանակարգի շնորհիւ Հայաստանը (Arménie) կրտսեր դաշնակիցների մէջ ստորագրեց առաջինը... Ես ստորագրեցի երեք ակտ. 1) Թիւրքական դաշնագիրը. 2) Մեր երկրի փոքրամասնութեանց վերաբերեալ դաշնագիրը Հայաստանի և մեծ պետութիւնների միջև և 3) Մի արձանագրութիւն Հէջաղի և Իւզո-Սլաւիայի բացակայութեան մասին\*):

\* Սերի դաշնագրի մէջ Հայաստանին յատկացւած էր մի ամբողջ բաժին — «բաժին VI» — 88—93 յօդուածները, որ առաջ եմք քերում ամբողջութեամբ.

«Յօդ. 88. Թիւրքիան յայտարարում է, որ ինքը ճանաչում է Հայաստանը, ինչպէս այդ արեւ են արգէն դաշնակից պետութիւնները, որպէս ազատ և անկախ պետութիւն:

Յօդ. 89. Թիւրքիան և Հայաստանը այլ և սերիշ բարձր դաշնադիր կողմերը, համաձայնում են Ամերիկ. Միաց. Նահանգների նախադահի իրաւարար վճռին յանձնել սահմանի որոշումը Թիւրքիայի և Հայաստանի միջև էրզրումի, Տրապիզոնի, Վանի և Բիթլիսի վիլայեթներում և ընդունել նրա վճիռը, այլ և բոլոր այն միջոցները, որ կարող է նա հրահանգել Հայաստանի դէպի ծով ելք ունենալու և յիշեալ սահմանին կից դաշնուղ օսմանան որևէ հողի զինաթափման մասին:

Յօդ. 90. Այն պարագային, երբ սահմանի որոշումը 89րդ յօդուածի հիման վրա ունենայ այն հետևանքը, որ Հայաստանին յանձնուի յիշեալ նահանգների հողի ամբողջութիւնը կամ մէկ մասը, Թիւրքիան անյապաղ յայտարարում է, որ ինքը հրաժարում է վճռի օրից սկսած բոլոր իրաւունքներից ու իրաւահիմունքներից յանձնուած հողի վրա: Սոյն դաշնագրի այն կէտերը, որոնք կիրառելի են Թիւրքիայից անջատուած հողերի վերաբերմամբ, այս վայրկեանից պիտի կիրարկւեն և այս հողի վերաբերմամբ:

Թիւրքիայի ելեմտական պարտաւորութիւնների այն բաժինն ու ընդթիւր, որ կրելու է Հայաստանը, ինչպէս նաև բաժինն ու ընդթիւր այն իրաւունքների, որոնց վրա կարող է յենել նա՝ իր գերիշխանութեան տակ տրուած հողի կապակցութեամբ, տնօրինելու են համաձայն սոյն դաշնագրի 8րդ մաս յօդ. 241—244-ի (ելեմտական դրութիւններ):

Յետագայ համաձայնութիւնները կը կարգաւորեն, եթէ այդ անհրաժեշտ լինի, բոլոր այն հարցերը, որոնք կարգաւորուած չեն լինի սոյն դաշնագրով և որոնք կարող կը լինեն առաջ դալ յիշեալ հողամասի յանձնումով:

Յօդ. 91. Եթէ 89 յօդուածի մէջ ցոյց տրուած հողի մէկ մասը յանձնուի Հայաստանին, այն ժամանակ սահմանագծող յանձնաժողովը, որի կազմը կորոշւի յետագային, կը կազմուի յընթաց երեք ամսայ յիշեալ յօդուածում նախատեսուած վճռից յետոյ՝ նպատակ ունենալով տեղն ու տեղը գծել սահմանը Հայաստանի և Թիւրքիայի միջև, որպիսին յայտնի կը լինի համաձայն յիշեալ վճռի:

Յօդ. 92. Հայաստանի սահմանները Ազրբէջանի և Վրաստանի հետ համապատասխան կերպով կորոշեն շահարգուած պետութիւնների ընդհանուր համաձայնութեամբ:

Եթէ այս կամ այն դէպքում, երբ արդէն 89 յօդուածում նախատեսուած վճիռը տրուած